



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1738. usque ad annum 1740

**Fleury, Claude**

**Augustæ Vindelicorum, 1786**

**VD18 90119355**

§. 23. Clementis XII. sollicitudo in frangenda pertinacia illorum, qui prohibitos ritus Malabaricos propugnant.

---

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)



Sæc. XVIII. A. C. 1739  
 cius propugnabant, eosque suis Neophytis, spretis Clementis IX. Innocentii XII. Clementis XI. & Benedicti XIII. PP. Decretis, permiserunt: Quinimodum Benedictus XIII. Anno 1727. die duodecima Decembris Cardinalis Tournonii decretum nova Constitutione confirmasset, eamque ad Episcopos & Missionarios in Regnis Indiarum Orientalium Madurensi, Mayssurenfi & Cananensi agentibus transmisisset, hi tamen ad excusandam suam contumaciam Anno 1732. ad Clementem XII. Benedicti Successorem perscribere ausi sunt, se nihil de nova decreti confirmatione audivisse (& tamen ejus sonus in omnem terram exivit) nec eis quicquam legitime fuisse denuntiatum, ac propterea petere, ut eadem hæc causa rursus S. Officii Congregationis examini & cognitioni subjiceretur. Subiit equidem summo Pontifici, hos non minus studiose moras ex morisnectere, aliisque earum partium Missionariis probe cognitam fuisse decreti confirmationem, nihilominus Clemens, ut contumacibus omnem querendi prætextum præverteret, & tandem acerrimis non minus quam perniciosis dissensionibus finem imponeret, eorum precibus annuit, & ad novam hujus causæ discussionem procedi posse declaravit. Producentur ergo

ergo utrinque documenta certa, ne- Sæc. XVIII.  
 cessaria, & fide dignissima, datur e- A. C. 1739.  
 tiam rituum defensoribus, quicquid in  
 causæ suæ fulcimentum conferre judi-  
 caverint, libere producendi facultas,  
 habentur plurimæ Cardinalium Con-  
 gregationes, in quibus controversi ar-  
 ticuli maturo examini fuere subjecti.  
 Tenuit hæc consultatio integrum bien-  
 nium; tandem Deputati Cardinales ac  
 Theologi, quid ad dubia, quæ perti-  
 naces rituum defensores discuti petie-  
 runt, respondendum censuerint, sum-  
 mo Pontifici exhibent, qui etiam ho-  
 rum Responsa auctoritate Apostolica  
 confirmavit, eaque suis literis ad hos  
 Missionarios datis inseruit, ac demum  
 Madurensis, Mayssurensis & Carnaten-  
 sis Ecclesiæ Episcopis ac Missionariis  
 injunxit, ut hæc decreta a Pontifice  
 confirmata religiose observarent, & a  
 suis observari curarent. Erant autem  
 hæc Clementis XII. literæ ad præfatos  
 die vigesima quinta Augusti Anno 1734.  
 datæ sequeritis tenoris.

„Compertum exploratumque vobis  
 „esse non ambigimus, Carolum Tho-  
 „mam bon. mem. tunc Patriarcham  
 „Antiochenum cum potestate Legati a  
 „Latere Apostolicum commissarium,  
 „& Visitatorem, deinde hujus S. R. E.  
 „Cardinalem de Tournon a Prædeces-  
 „sore

Sæc XVIII „fore nostro fel. record. Clemente XI.  
 A. C. 1739 „ad Sinas Anno 1702. missum ubi pri-  
 „mum ad Arcem Pudicheri appulit, et  
 „gravibus, & urgentibus Missionum in  
 „Regnis Madurensi, Mayssurensi, &  
 „Carnatensi saluberrime dirigendarum  
 „necessitatibus opportuue prospiceret.  
 „condidisse die 23 Mensis Junii Anno  
 „1704. Decreta nonnulla, quæ die  
 „8. Mensis Julii ejusdem anni promul-  
 „gavit. Cum autem aliquot ex Vene-  
 „rabilibus Fratribus, & dilectis Filiis,  
 „Episcopis, & sacris Indiarum Orien-  
 „taliū Operariis, quibusdam in iis-  
 „dem Decretis contentis minime ac-  
 „quiescentes reclamassent, laudatus  
 „Prædecessor noster Clemens XI. literis  
 „in forma Brevis ad Episcopum Melia-  
 „purensē die 17. Mensis Septembris  
 „Anno 1712. datis eorundem Decreto-  
 „rum obedientiam, & observantiam  
 „tamdiu requisivit, ac mandavit, do-  
 „nec Apostolica hæc Sedes Causæ mo-  
 „mentis fideliter relatis, & acuratus  
 „inspectis, quas novisset Justitiæ magis  
 „consentaneas, & propagandæ Chri-  
 „stianæ fidei magis idoneas, providen-  
 „tiæ suæ vias, ac rationes iniret. Be-  
 „nedictus etiam XIII. fel. record. itidem  
 „Prædecessor noster provide Clemen-  
 „tis XI. mandatis, declarationibus,  
 „atque vestigiis inhærens, literis quo-  
 „que

„que in forma Brevis die 12. Mensis  
 „Novembris Anni 1727. datis memo-  
 „rata Cardinalis Tournonii Decreta con-  
 „firmationis robore similiter munivit.  
 „Nos vero, qui plane immerentes ipsis  
 „summis Pontificibus in Apostolica ser-  
 „vitate successimus, nihil optamus im-  
 „pensius, quam ut sacrosancta Jesu  
 „Christi Fides amplius in dies promo-  
 „veretur, atque omni ope curemus, ut  
 „si qua forte magnis ejusdem incre-  
 „mentis, & propagationi occurrant im-  
 „pedimenta, (Deo votis nostris obse-  
 „cundante) penitus auferantur. Ita-  
 „que postquam necessaria, & certiora  
 „habuimus documenta, Theologorum,  
 „ac præsertim Venerabilium Fratrum  
 „nostrorum S. R. E. Cardinalium per  
 „universam Christianam Rempublicam  
 „Generalium Inquisitorum suffragia ex-  
 „quisivimus, quæque iidem Venerabi-  
 „les Fratres nostri Cardinales confir-  
 „manda, aut moderanda, vel decla-  
 „randa, atque in nonnullis remittenda  
 „Nobis consulere decreverunt, ex se-  
 „quentibus Dubiis hic insertis plane  
 „Vos dignoscetis.,

Postmodum Pontifex dubia ab hisce  
 Missionariis proposita, unacum pro-  
 nuntiata deluper Cardinalium sententia  
 retulit, uti sequitur.

*Primum*

Sæc. XVIII.  
 A. C. 1739.

Sæc. XVIII.  
A. C. 1739.

*Primum dubium feria quarta die  
gesima prima Januarii Anno 1733.*

„An & quomodo Decretum cha-  
„mem. Eminentissimi Cardinalis de Tou-  
„non sit exequendum in ea parte, que  
„est tenoris sequentis: Districte prohibe-  
„bemus, ut in baptizandis tam pueris  
„quam adultis cujuscumque sexus, &  
„conditionis omittantur Sacramentalia  
„sed omnia palam adhibeantur, & signan-  
„ter saliva, sal, & insufflatio, quæ ex  
„Apostolica traditione Catholica Ec-  
„clesia recepit, & ob recondita in his  
„sacris cæremoniis divinæ erga nos do-  
„nitatis mysteria, sancte, & inviolabi-  
„biliter custodivit, Decreto sanctæ, &  
„universalis Inquisitionis de Anno 1656  
„pro Sinis facti, ob diversas rationes  
„& circumstantias minime obstante.

„Eminentissimi dixerunt: Contra  
„mandum esse Decretum Eminentissi-  
„mi Cardinalis de Tournon, sed con-  
„sulendum Sanctissimo, ut Missio-  
„nariis Regnorum Madurensis, May-  
„surensis, & Carnatensis dispensatio-  
„nem concedat, ad decennium dura-  
„turam omittendi in collatione Bap-  
„tismi salivam, & occulte, utendi insu-  
„flationibus, in casibus tamen particu-  
„laribus, & in quibus gravis, & pro-  
„portionata necessitas urgeat super quæ  
„con-

„conscientia Missionariorum oneratur; Sæc. XVIII.  
 „dummodo laborent errore habendi sa- A. C. 1739.  
 „livam, & anhelitum, tamquam ma-  
 „teriam ineptam, vel incapacem ad  
 „inserviendum pro Sacramentalibus cæ-  
 „remoniis in Baptismo, utpote omnino  
 „incapaces Baptismi: eisque Missiona-  
 „riis injungendum, ut debitam instru-  
 „ctionem, aliasque omnes possibles  
 „diligentias adhibeant, ut averfio po-  
 „pulorum a faliva, & infufflatione a-  
 „moveatur, & de instructione, aliis-  
 „que diligentis adhibitis sanctam Se-  
 „dem intra tempus decennii certiorarent.

„Insuper monendos esse Missionarios  
 „super gravi negligentia non recurrenti  
 „ad S. Sedem pro obtinenda facultate  
 „dispensandi, & male se gessisse Episco-  
 „pos concedendo hujusmodi dispensa-  
 „tionem inconfula Apostolica Sede.

*Secundum dubium.* An & quando  
 „dictum Decretum fit exequendum in  
 „ea parte, quæ est tenoris fequentis:  
 „Item præcipimus, ut, juxta laudabi-  
 „lem Ecclefiæ confuetudinem, femper  
 „imponatur baptizando a Baptizante  
 „nomen alicujus fancti in Martyrologio  
 „Romano defcripti, omnino interdicitis  
 „nominibus Idolorum, vel falfæ Reli-  
 „gionis Pœnitentium, quibus Gentiles  
 „utuntur, & Neophyti hætenus appel-  
 „lari confueverunt, antequam per Ba-  
 „ptis-

Sæc. XVIII. „ptismum essent divinæ Gratia  
 A. C. 1739. „nati.,

„Eminentissimi dixerunt: Mod  
 „randum esse Decretum, deleto verbo  
 „Præcipimus: cum clausula: *Curre*  
 „quantum fieri potest; firma remanent  
 „interdictione, quoad omnia Idolorum  
 „& falsæ Religionis Pœnitentium.

*Feria 4. die 22. Aprilis 1733.*

*Tertium dubium:* An, & quando De  
 „cretum sit exequendum in ea parte  
 „quæ est tenoris sequentis: Nec Pe  
 „rochis, seu Missionariis sub quoru  
 „prætextu liceat sanctissimæ Crucis  
 „Sanctorum, & rerum sacrarum no  
 „mina per translata immutare, nec ea  
 „alio idiomate explicare, nisi Latino  
 „vel saltem Indico, quatenus voces lo  
 „dicæ Regionis Latinæ significatio  
 „liquido, & ad amissim respondeant.

„Eminentissimi dixerunt: Quod fer  
 „vetur Decretum Eminentissimi de Tou  
 „non, & declaretur, non habere lo  
 „cum in vocibus, & nominibus jam ab  
 „institutione Missionis communiter re  
 „ceptis; quæ tamen per hanc declara  
 „tionem nec approbantur, neque re  
 „probantur.

*Quartum Dubium:* An, & quando  
 „dictum Decretum sit exequendum in  
 „ea parte, quæ est tenoris sequentis:  
 „Et quia audivimus, Baptismum in  
 „fan

„i factum ex Christianis Parentibus Sæc. XVIII.  
„ortorum, eorundem incuria, sæpe A. C. 1739.  
„sæpius diu protrahi, non sine maxi-  
„mo dictorum infantium salutis discri-  
„mine, monemus Evangelicos Opera-  
„rarios, ut sacrorum Canonum memo-  
„res, terminum breviorē, quam fieri  
„possit, attentis circumstantiis, Geni-  
„toribus præfigant, graviter conscien-  
„tiam eorum onerantes, nisi filios in-  
„tra præfixum tempus ad Ecclesiam  
„deferant sacro Fonte abluendos.

„Eminentissimi dixerunt: Servan-  
„dum esse Decretum Eminentissimi Car-  
„dinalis de Tournon.

*Quintum Dubium:* An, & quomodo  
„prædictum Decretum sit exequendum  
„in ea parte, quæ est tenoris sequen-  
„tis: Præterea cum moris hujusmodi  
„Regionis sit, ut infantes sex, vel se-  
„ptem annorum, interdum etiam in  
„teneriori ætate, ex Genitorum con-  
„sensu, matrimonium indissolubile de  
„præsenti contrahant per impositionem  
„Taly, seu aureæ tesseræ nuptialis uxo-  
„ris collo pensilis, Missionariis manda-  
„mus, ne hujusmodi irrita matrimonia  
„inter Christianos fieri permittant, nec  
„sponso sic conjunctos cohabitare si-  
„nant, donec completa legitima ætate  
„& explorato eorum consensu, in fa-  
„ciem Ecclesiæ, juxta formam a Sacr.  
*Hist. Eccles. Tom. LXXVI. Ff Con-*

Sæc. XVIII. „Concilio Tridentino præscriptam  
 A. C. 1739. „rum, & canonicum Matrimonium  
 „contraxerint.

„Eminentissimi dixerunt: Exequendum esse Decretum Eminentissimi  
 „Tournon; cum declaratione tam  
 „servandam esse formam pro Matrimoniis a Sac.  
 „Concilio Tridentino præscriptam in locis, in quibus  
 „Decretum dicti Concilii in cap. primo Sess. XXI  
 „de Reform. Matrim. publicatum est, & imposterum  
 „publicabitur, neque observantia sit impossibilis;  
 „& Missionarii curent, quantum fieri poterit, ut in  
 „omnibus locis Missionum illarum partium dictum  
 „Decretum Concilii publicetur.

*Sextum Dubium:* An, & quomodo dictum Decretum sit  
 „exequendum ea parte, quæ est tenoris sequentis  
 „Et quoniam apud peritiores imperitiosius Religionis  
 „Sectatores *Taly* præfert imaginem, licet informem,  
 „*Pyllejaris*, seu *Pyllejaris* idoli nuptialibus cæremoniis  
 „præpositi; cumque debeat Christianas mulieres effigiem  
 „hanc collo deferre in signum Matrimonii, districtè  
 „prohibemus, ne imposterum audeant *Taly* cum hac  
 „effigie collo appendere; & ne Uxores innuptæ  
 „deantur, poterunt uti alio *Taly*, vel sanctissimæ  
 „Crucis, sanctissimi Domini

„Nostri Jesu' Christi, vel Beatæ virginis, Sæc. XVIII.  
 „vel alia quavis religiosa imagine or- A. C. 1739.  
 „nato.

Eminentissimi dixerunt: Servan-  
 „dum esse Decretum Eminentissimi de  
 „Tournon, quamvis Missionarii asse-  
 „rant, nunquam permisisse gestationem  
 „dicti *Taly*.

*Septimum dubium:* An & quomodo  
 „prædictum Decretum sit exequendum  
 „in ea parte, quæ est tenoris sequen-  
 „tis: Et cum superstitione non careat  
 „funiculus centum & octo filis com-  
 „positus croceo succo delinitus, quo  
 „plerique dictum *Taly* appendunt,  
 „prohibemus etiam dictorum filorum  
 „numerum, & unctionem.

„Eminentissimi dixerunt: Servan-  
 „dum esse Decretum Eminentissimi de  
 „Tournon.

*Octavum Dubium:* An, & quomodo  
 „dictum Decretum sit exequendum in  
 „ea parte, quæ est tenoris sequentis:  
 „Cæremoniæ etiam nuptiales juxta ha-  
 „rum regionum morem tot sunt, tanta-  
 „que superstitione maculatæ, ut tutius  
 „remedium aptari non possit, quam  
 „eas omnino interdicendo, cum und-  
 „que noxia Gentilitatis labe se teant,  
 „& difficilimum sit eas a super- itio is  
 „expurgare. At vero ut faciliori con-  
 „versionum viæ, & Neophytorum com-

F f 2

„mouo-

Sæc. XVIII.  
A. C. 1739.

„modo, quantum fieri potest, in Do-  
 „mino indulgeamus, Missionariis, &  
 „præcipue Missionum Superioribus in-  
 „jungimus, ut novis adhibitis diligenti-  
 „tiis, severiorique calculo superstitionum  
 „omnia a dictis cæremoniis expurgentur,  
 „ita ut nihil inultum relinquatur, quod  
 „Christianam pietatem offendat, &  
 „Gentilium superstitionem redoleat, &  
 „signanter præter eas, quas audimus  
 „jam statutas in hac materia a  
 „iisdem Missionariis reformationes, præ-  
 „cipue arboris *Aresciomata* omnino au-  
 „feratur, ferculorum numerus non mi-  
 „nus, ac cibi præscripta qualitas ve-  
 „rietur: circuli super caput sponsum  
 „ad tollenda maleficia omittantur: &  
 „quod de ferculis diximus, de lotes-  
 „vasis ibidem adhiberi solitis a nobis  
 „dictum, & prohibitum intelligatur.  
 „Eminentissimi dixerunt: Servan-  
 „dum esse Decretum Eminentissimi Car-  
 „dinalis de Tournon.

*Feria 4. die 23. Julii 1733.*

*Nonum Dubium:* An, & quomodo  
 „dictum Decretum sit exequendum in  
 „ea parte, quæ est tenoris sequentis:  
 „Fructus etiam, vulgo dictus *Cocco*,  
 „ex cujus fractione prosperitatis, vel  
 „infortunii auspicia Gentiles temere  
 „ducunt, vel omnino a Christianorum  
 „nuptiis rejectum, vel saltem, si illum  
 com-

„comedere velint, non publice, sed se-  
 „creto, & extra solemnitatem aperia-  
 „tur ab iis, qui Evangelica luce edocti,  
 „ab hujusmodi auspicio deliramento  
 „sunt immunes.

Sæc. XVIII.  
 A. C. 1739.

„Eminentissimi dixerunt: decisio-  
 „nem esse differendam.

*Decimum Dubium:* An, & quomodo  
 „dictum Decretum sit exequendum in  
 „ea parte, quæ est tenoris sequentis:  
 „Nullus rite, & sufficienter dispositus  
 „arceatur a Sacramento Pœnitentiæ,  
 „& signanter mulieres menstruali morbo  
 „laborantes, non attentis diebus purifi-  
 „cationis juxta morem Gentilium, cum  
 „hæc Sacramentalis vera animæ puri-  
 „ficatio, & non alia sit attendenda a  
 „Christifidelibus, eorumque Pastori-  
 „bus; quibus præterea non liceat, nec  
 „per seiplos, nec per Catechistas, nec  
 „per alios quoscumque, dictis Mulie-  
 „ribus prohibere accessum ad Ecclesiam,  
 „vel ad Confessarium durante dicta in-  
 „firmitate, & dictæ purificationis tem-  
 „pore.

„Eminentissimi dixerunt: Servan-  
 „dum esse Decretum Eminentissimi Car-  
 „dinalis de Tournon.

*Undecimum Dubium:* An, & quo-  
 „modo exequendum sit dictum Decre-  
 „tum in ea parte, quæ est tenoris se-  
 „quentis: Dedecet etiam Christianæ

Sæc. XVIII. „virginis honestati prima vice dicto  
 A. C. 1739 „morbo laborantis illum Cognatis, Ve-

„cinis, & Amicis notum facere, & in  
 „verecunde publicare, iisque Ethnico  
 „rum more, & ritu in ejus domum con-  
 „lectis, super re tam sordida festum  
 „instituire. Quocirca hujusmodi so-  
 „lemnitates, & ritus orthodoxis pue-  
 „lis interdiciamus, & abolemus, Mis-  
 „sionariisque injungimus, ut non solum  
 „eas, verum etiam Genitores moneant,  
 „quam dissona sit virginei pudoris legi-  
 „bus ejusmodi obscæna consuetudo,  
 „quæ a Gentilium impudentia videtur  
 „inducta, ut ita, labefactata puellarum  
 „verecundia, eas effrænate ad libidi-  
 „nem provocare valeant.

„Eminentissimi dixerunt: Quod cu-  
 „rent Missionarii abolere festum sub ti-  
 „tulo Menstrui, sed sub titulo Nuptia-  
 „rum tantum permittant.

*Feria 4. die 9. Septembris 1733.*

*Nonum Dubium.* Supradicta die 23.  
 „Julii propositum, sed non solutum:  
 „An, & quomodo prædictum Decretum  
 „sit exequendum in ea parte, quæ est  
 „tenoris sequentis: Fructus etiam vulgo  
 „dictus *Cocco*, ex cujus fractione pro-  
 „speritatis, vel infortunii auspicia Gen-  
 „tiles temere ducunt, vel omnino a  
 „Christianorum nuptiis rejiciatur, vel  
 „saltem si illum comedere velint, non

„publice, sed secreto, & extra solem-  
 „nitatem aperiatur ab iis, qui Evan-  
 „gelica luce edocti, ab huiusmodi au-  
 „spiciorum deliramento sunt immunes.

„Eminentissimi dixerunt: Servan-  
 „dum esse Decretum prædicti Eminen-  
 „tissimi Cardinalis de Tournon.

*Duodecimum Dubium:* An, & quo-  
 „modo Decretum prædicti Em. Card.  
 „de Tournon sit exequendum in ea parte,  
 „quæ est tenoris sequentis: Ferre pari-  
 „ter non possumus, quod a Medicis  
 „spiritualibus pro animarum salute ea  
 „caritatis officia denegentur, quæ Me-  
 „dici Gentiles nobilis etiam generis,  
 „seu Castæ, pro corporis salute præ-  
 „stare non dedignantur infirmis, licet  
 „abjectæ, & infimæ conditionis, vulgo  
 „dictis Pareas. Quapropter districte  
 „mandamus Missionariis, ut, quantum  
 „in ipsis erit, nemini e Christianis æ-  
 „grotis, quantumvis Pareas, & vilio-  
 „ris, si adessent, generis hominibus  
 „desideranda relinquatur in infirmitate  
 „copia Confessarii; & ne, ingravescen-  
 „tibus morbis, cum gravissimo vitæ  
 „corporalis periculo, æternæ consulere  
 „cogantur, iisdem Missionariis præci-  
 „pimus, ne infirmos huiusmodi con-  
 „ditionis ad Ecclesiam deferendos ex-  
 „spectent, sed consultius domos, ubi  
 „ægotant, pro viribus petant ad eos

Sæc. XVIII.  
 A. C. 1739.

Sæc. XVI<sup>II</sup>. „invisendos, ac piis sermonibus, &  
 A. C. 1739 „precibus, Sacramentorumque pabulo  
 „recreandos, atque demum eos in ex-  
 „tremo vitæ discrimine constitutos  
 „sancto infirmorum Oleo deliniant, abe-  
 „que personarum, aut sexus acceptione  
 „expresse damnantes quamcumque opi-  
 „xim huic Christianæ pietatis officio  
 „contrariam.

„Eminentissimi dixerunt: Servave-  
 „dum esse Decretum Eminentissimi de  
 „Tournon: præterea monendos Missio-  
 „narios, quod neque ad Baptismum  
 „admittant Indos, qui in ea sunt opi-  
 „nionem, Pareas a Deo esse reprobatos  
 „& ideo nullam posse sperare salutem,  
 „nisi eam opinionem deposuerint.

*Decimum tertium Dubium:* An, &  
 „quomodo dictum Decretum exeque-  
 „dum sit in ea parte, quæ est tenoris  
 „sequentis: Non sine maximo animi  
 „nostri mærore accepimus, etiam Chri-  
 „stianos tympanorum pulsatores, Tibi-  
 „cines, vel alterius cujuscumque mu-  
 „sici instrumenti Sonatores ad Idolorum  
 „festivitates, & sacrificia accersiri, ad  
 „ludendum, & interdum etiam cogi  
 „ob quamdam servitutis speciem erga  
 „publicum ab ipsis contractæ per hujus-  
 „modi artis exercitium, nec facile esse  
 „Missionariis eas ab hoc detestabili ab-  
 „usu avertere. Quocirca considerantes,  
 „quam

„quam gravem rationem essemus Deo <sup>Sæc. XVIII.</sup>  
 „reddituri, si hujusmodi Christifideles <sup>A.C. 1739.</sup>  
 „a Dæmoniorum honore, & cultu pro  
 „viribus non revocarem; illis pro-  
 „hibemus, ne imposterum audeant,  
 „nec in Pagodis, nec extra, tum oc-  
 „casione sacrificiorum, tum quarum-  
 „cumque solemnitatum superstitioso  
 „cultu imbutarum, sonare, aut canere,  
 „sub pœna excommunicationis latæ sen-  
 „tentix, cum nullo modo liceat Christi  
 „famulis Belial inservire; ideo Missio-  
 „narii non solum eos monere tenebun-  
 „tur de prædicta prohibitione, verum  
 „etiam illam omnino executioni deman-  
 „dare, & contrafacientes ab Ecclesia  
 „expellere, donec ex corde resipiscant,  
 „& publicis pœnitentiæ signis patra-  
 „tum scandalum emendaverint.

„Eminentissimi dixerunt: Servan-  
 „dum esse Decretum Eminentissimi Car-  
 „dinalis de Tournon.

*Decimum quartum Dubium: An, &*  
 „quomodo dictum Decretum exequen-  
 „dum sit in ea parte, quæ est tenoris  
 „sequentis: Declaramus præterea Pon-  
 „tificiam Constitutionem Gregorii Pa-  
 „pæ XV. incipientem: *Romanæ Sedis*  
 „*Antistes &c.* ad petitionem PP. Socie-  
 „tatis Jesu editam, qua indigenis Chri-  
 „stifidelibus lavacra, non alia occasio-  
 „ne, & fine, quam corporis reficiendi,

Ff 5

„&

Sæc. XVIII.  
A. C. 1739.

„& a naturalibus sordibus mundandi,  
„ab Apostolica Sede permittuntur, in-  
„terdictis tempore, & modo, quibus  
„a Gentilibus adhiberi solent, æque as-  
„ficere Evangelicos Operarios: quibus  
„propterea non liceat sub quacumque  
„alia causa, & fine, etiam ad esse-  
„ctum, ut existimentur Sanias seu  
„Brachmanes, præ cæteris dediti ho-  
„jusmodi ablutionibus, illis uti, præ-  
„sertim statutis eorum horis, & ante,  
„vel immediate post quamcumque sa-  
„cram functionem.

„Eminentissimi dixerunt: Servan-  
„dum esse Decretum Eminentissimi Car-  
„dinalis de Tournon.

*Feria 4. die 16. Septembris 1733.*

*Decimum quintum Dubium:* An, &  
„quomodo dictum Decretum Cardina-  
„lis de Tournon sit exequendum in ea  
„parte, quæ est tenoris sequentis: Ci-  
„neres itidem ex vaccarum stercore con-  
„fectos, & impiam Gentilium poeniten-  
„tiam a Rutren institutam redolentes  
„benedicere, eosque fronti sacro Chris-  
„mate delinitæ impingere, sive quæ-  
„cumque alia signa albi, vel rubei co-  
„loris, quibus Indi superstitionissimi in  
„fronte, vel in pectore, vel in alia  
„quavis corporis parte utuntur, deferre  
„prohibemus; mandantes, ut sanctæ  
„Ecclesiæ consuetudo, piique ritus ci-  
„neres

„neres benedicendi, illisque Christianorum caput cruce signandi ad huiusmodi infirmitatis memoriam recolendam religiose ferventur tempore, ac modo ab Ecclesia præscripto, scilicet Feria 4. Cinerum, & non alias.

„Eminentissimi dixerunt: Confirmandum esse Decretum Eminentissimi Card. de Tournon, servata in omnibus Constitutione Gregorii XV. edita die 31. Januarii 1623. quæ incipit: *Romanæ Sedis Antistes.*

Præterea Eminentissimi dixerunt: Quod fiat Decretum, quo imponatur Missionariis cujuscumque Ordinis, etiam Societatis Jesu, in Partibus infidelium degentibus, ne audeant permittere ritus, vel consuetudines proprias Gentilium, nec illos, aut illas proprio arbitrio vertere in Ritus, vel Consuetudines Christianæ Religionis, inconsulta S. Sede; & Missionarii meminere præceptionis Alexandri VII. in sua Constitutione incipien. *Sacrosanct.* 46. sequentibus verbis express. Ne ob institutionis defectum, qui sacro Baptismate initiantur, immaculatam Christi legem profanis, ac gentilitiis institutis ex ignorantia sædent, ac Idololatriam cum Orthodoxa Fide confundant, ut sæpe inibi evenire enunciatum est; caveant ii, qui iisdem instru-

Sæc. XVIII.

A. C. 1739.

Sæc. XVIII. „struendis incumbunt, ne impostero

A. C. 1739. „ullus ad Baptisma admittatur, qu

„gentilitios mores prorsus non exuert

„& in fide non sit sufficienter instructus

*Decimum sextum, & ultimum Dubium.*

„An, & quomodo dictum Decretum

„exequendum sit in ea parte, quæ est

„tenoris sequentis: Et demum, qui

„ex librorum de falsa religione, & de

„rebus obscænis, & superstitionis tra-

„ctantium lectura venenum, ut pluri-

„mum, serpere solet ad cor fidelium,

„quo non minus fidei puritas offendi-

„tur, quam mores corrumpuntur, ma-

„gnopere commendantes zelum, ac

„studium Missionariorum, qui libros

„sacram Ecclesiæ Catholicæ doctrinam

„rerumque sacrarum monumenta con-

„tinentes pro Indorum Christifidelium

„eruditione in linguam Malabaricam,

„seu Tamulicam transtulere, vel novos

„pro illorum commodo, & institutio-

„ne composuerunt, iisdem Christifide-

„libus expresse interdiximus fabulosos

„Gentilium libros, eosque legere, &

„retinere prohibemus sub poena excom-

„municationis latæ sententiæ, nisi prius

„habita licentia Parochi, seu Missio-

„narii curam animarum exercentis,

„quorum prudentiæ committimus fa-

„cultatem super hoc dispensandi, &

„libros (si qui forte sunt) noxia super-

„stitione

„stitutione vacuos, & nihil contra bonos Sæc. XVIII.  
 „mores tractantes, pro Christianorum A. C. 1739.  
 „usu seligendi, eorumque lecturam per-  
 „mittendi.

„Eminentissimi dixerunt: Servan-  
 „dum esse Decretum Eminentissimi  
 „Cardinalis de Tournon.

Absolutis horum dubiis, & Cardi-  
 naliū sententiis Pontifex has suas li-  
 teras ita profecutus est:

*Quibus dubiis, & rerum resolutionibus  
 Nobis per Venerabilem Fratrem Archiepi-  
 scopum Damiatæ, & Congregationis sancti  
 Officii Assessorem relatis resolutiones ipsas  
 plane approbantes, cuncta ea, quæ juxta  
 earum tenorem confirmanda, aut moderan-  
 da, vel declaranda, ac in nonnullis remit-  
 tenda visa sunt, respective confirmavimus,  
 moderavimus, declaravimus, & in nonnullis  
 remisimus. Quocirca, Venerabiles Fra-  
 tres, Dilecti Filii, Vobis injungimus, &  
 mandamus, ut pro singulari vestra in Nos,  
 atque hanc sanctam Sedem reverentia, quæ-  
 cumque per hasce nostras Literas de Apo-  
 stolice auctoritatis plenitudine, vel confir-  
 mata, vel decreta, aut præscripta sunt,  
 sanctissime custodiatis, atque ab omnibus  
 servari studiosissime curetis: obsecrantes  
 Vos in Domino per viscera Misericordiæ  
 Dei nostri, ut controversis jam remotis,  
 & omnino evulsis, alacres, atque animi  
 nostri sensibus concordēs, studia, & labores  
 vestros*

Sæc. XVIII. vestros in animarum salutem quæ præstati-  
 A.C. 1739. tissimus vestræ vocationis est finis, præ-  
 ribus conseratis. Atque vobis, Venero-  
 biles Fratres, Dilecti Filii Apostolicam  
 Benedictionem peramanter imperimus. Da-  
 tum Romæ apud Sanctam Mariam Maye-  
 rem sub annulo Piscatoris die 24. Augu-  
 1734. Pontificatus nostri anno quinto.

## §. XXIV.

*Severius Clementis Papæ mandatum  
 contra eosdem Rituum prohibi-  
 torum fautores.*

**H**as Pontificis literas in præfatis Mis-  
 sionibus promulgatas, ab omni-  
 bus Missionariis subscriptas, & priffi-  
 nam inter eos concordiam fuisse relin-  
 tutam, summo Pontifici nuntiabatur.  
 Hic ingens inde conceperat gaudium,  
 quod tamen brevi evanuit; paulo post  
 enim fatalis nuntius quam citissime Sedi  
 Apostolicæ allatus est, quo comper-  
 tum, eosdem Missionarios, qui hæte-  
 nus pertinaciter prohibitas superstitiones  
 propugnabant, Clementis Papæ  
 literis quidem subscripsisse, obfirmato  
 tamen animo propugnare, hosce ritus,  
 etsi sæpius damnati essent, aboleri non  
 posse, sed omnino permittendos reti-  
 nendosque: Tam inveteratæ pertina-  
 ciæ indignitas Optimi Patris senio &  
 labo-